

---

OFFERYNNAU STATUDOL CYMRU

---

**2001 No. 2682**

**Rheoliadau Lles Anifeiliaid a Ffermir (Cymru) 2001**

**Dyletswyddau perchenogion a cheidwaid anifeiliaid**

3.—(1) Rhaid i berchenogion a cheidwaid anifeiliaid gymryd pob cam rhesymol —

- (a) i sicrhau lles yr anifeiliaid o dan eu gofal; a
- (b) i sicrhau na pherir unrhyw boen, dioddefaint nac anaf diangen i'r anifeiliaid.

(2) Rhaid i berchenogion a cheidwaid anifeiliaid (ac eithrio pysgod, ymlusgiaid ac amffibiaid) gymryd pob cam rhesymol i sicrhau bod yr amodau y mae'r anifeiliaid yn cael eu bridio neu eu cadw odanynt yn cydymffurfio â'r gofynion a nodir yn Atodlen 1.

(3) Wrth benderfynu a yw'r amodau y mae'r anifeiliaid yn cael eu bridio neu eu cadw odanynt yn cydymffurfio â'r gofynion a nodir yn Atodlen 1, rhaid i berchennog a cheidwad yr anifeiliaid roi sylw i'w rhywogaeth, ac i radd eu datblygiad, eu haddasiad a'u dofiad, ac i'w hanghenion ffisiolegol ac etholegol yn unol â phrofiad cynefin a gwybodaeth wyddonol.